

## ٣- تدبر سورة هود - الآيات (٦١-٦٢) - شريف علي

شريف علي

اعوذ بالله من الشيطان الرجيم بسم الله الرحمن الرحيم وما من دابة في الأرض إلا على الله رزقها ويعلم مستقرها طه ومستودعها كل في كتاب مبين وهو الذي خلق السماوات والارض في ستة أيام وكان عرشه على الماء - 00:00:00  
وكان عرشه على الماء ليبلوكم ايكم احسن عملا ولئن قلت انكم مبعوثون من بعد الموت ليقولن الذين كفروا ليقولن الذين كفروا ان هذا الا سحر مبين ولئن اخرنا عنهم العذاب الى امة معدودة ليقولن ما يحبون - 00:00:37

الا يوم يأتيهم ليس مصروفا عنهم وحاق بهم ما كانوا به يستهزئون ولئن اذقن الانسان منا رحمة ثم نزعناها منه انه كفور ولئن اذقناه نعماء بعد ضراء مسته ليقولن ذهب السيئة - 00:01:17

عني انه لفرح فخور الا الذين صبروا وعملوا الصالحات اولئك لهم مغفرة واجر كبير فلعلك تارك بعض ما يوحى اليك وضائق به صدرك ان يقولوا لولا انزل عليه كنز او جاء معه ملك - 00:01:53

انما انت نذير. والله على كل شيء وكيل ام يقولون افتري. قل فاتوا بعشر سور مثله مفتريات وادعوا من استطعتم من دون الله ان كنتم صادقين. فان لم لكم فاعلموا ان ماء انزل بعلم الله وان لا الله - 00:02:33

الا هو. فهل انت مسلمون من كان يريد الحياة الدنيا وزينتها نوفي اليهم اعمالهم فيها وفي اليهم اعمالهم فيها وهم فيها لا يبخسون اولئك الذين ليس لهم في الآخرة الا النار - 00:03:13

ابط ما صنعوا فيها وباطل ما كانوا يعملون باسم الله والحمد لله والصلوة والسلام على رسول الله ان الحمد لله نحمده ونستعينه ونستهديه ونستغفره وننعوا بالله تعالى من شرور انفسنا ومن سيئات اعمالنا من يهدى الله تعالى فلا مضل له - 00:03:48

ومن يضل فلا هادي له وشهاده ان لا الله الا الله وحده لا شريك له واشهد ان محمدا عبده ورسوله. اللهم صل على محمد وعلى ال محمد كما صليت على ابراهيم وعلى آل ابراهيم في العالمين انك حميد مجيد - 00:04:13

اللهم بارك على محمد وعلى آل محمد كما باركت على ابراهيم وعلى آل ابراهيم في العالمين انك حميد مجيد. قال رسول الله صلى الله عليه وسلم اجمعوا قوم في بيته من بيوت الله يتلون كتاب الله ويتدارسونه فيما بينهم الا نزلت عليهم السكينة وغضبتهم الرحمة وحفتهم - 00:04:29

الملاك وذكرهم الله فيمن عنده. وقال صلى الله عليه وسلم من سلك طريقا يلتمس فيه علما سهل الله له به طريقا الى الجنة نبدأ مجلس آآ الليلة بازن الله آآ ابتداء من قوله سبحانه وتعالى وما من دابة في الأرض إلا على الله - 00:04:49

رزقها ويعلم مستقرها ومستودعها. كل في كتاب مبين كانت مناسبة الآية دي تيجي بعد الآية الآية رقم خمسة في المجلس الآخر المجلس اللي فات. قال تعالى الا انهم يثنون صدورهم ليستخفوا منه. الا حين يستغشون ثيابهم يعلم ما يسرعون وما يعلون. انه عليم بذات الصدور. وبعدين - 00:05:10

بدأ ربنا سبحانه وتعالى يكلم هؤلاء المعرضين من كفار قريش وغيرهم يعني عن قدرة هذا الله يتكلم عن نفسه سبحانه وتعالى. فيقول وما من دابة في الأرض. الدابة يعني اي حاجة بتدب على الأرض. يعني - 00:05:37

دابة دي اول لما انت بتقول كلمة دابة بيجي في الذهن ايه اللي هي الحاجة الحيوانات ذوات الاربع البقر والمواشي يعني. لكن الدابة عموما بتطلق على كل حاجة بتدب على الأرض. الانسان دابة - 00:05:57

والطيور اللي في اللي في المحيطات حتى الحشرات. اللي بتدب على الأرض يقول لك حتى دبيب النمل. فكل دي دواب. فربنا

سبحانه وتعالى بيقول وما من دابة في الأرض. يعني ما من دابة يعني ما فيش دابة على وجه الأرض - 00:06:15  
الا على الله رزقها. يعني ربنا سبحانه وتعالى تكفل برزق كل المخلوقات دي. يعني انت بس عايزة تتخيل كده عدد المخلوقات عدد الدواب اللي على الأرض. عدد البشر عدد الكائنات - 00:06:32

في المحيطات الحشرات الحيوانات يعني خد صنف صنف كده وعد وربنا سبحانه وتعالى تكفل برزق هؤلاء جميعاً وما من دابة الا وما من دابة في الأرض الا على الله رزقها. يعني من الله على هنا بمعنى منه. الا من الله - 00:06:47  
رزقها يعني رزقها بيجي من عند ربنا سبحانه وتعالى فكان المعنى انت هو انت ازاي اصلاً تكفروا بالله؟ انت مش عارفين مش عارفين قدرة هذا الرب. ربنا سبحانه وتعالى بيرزق - 00:07:07

كل الدواب على وجه الأرض. ومش بس كده ويعلم مستقرها ومستودعها. قال لك المستقر خلاف بقى بين ايه في المفسرين. قال لك بعض الناس يقول لك المستقر ده يعني هي آآ تخرج الصبح وترجع وتروح - 00:07:21  
فالمستقر اماكن اللي هي بتخرج فيها والمستودع الاماكن اللي هي بتستقر فيها وبترجع فيها بالليل في اخر الليل والنهر. وقال لك المستقر ده القبر والمستودع ده الجنة والنار. والمستقر ده الرحم الام والمستودع هو صلب آآ ظهر يعني - 00:07:39  
الاب يعني خلاف بين المفسرين المهم الاية فيها اشارة ان ربنا سبحانه وتعالى يعلم كل شيء سبحانه وتعالى. يعني الدابة وهي خارجة لو هي خارجة من من الجحر بتاعها وهي رايحة تجيب الرزق بتاعها ربنا سبحانه وتعالى يعلم مستقرها ومستودعها. وهي خارجة وهي بتروح وهي - 00:07:59

وهو تسكن فين بالليل وتهتمل يعني كل وانت خارج من بيتك كل انسان على وجه الأرض كل دابة على وجه الأرض ربنا سبحانه وتعالى يعلم كل شيء عنها. كل حركة بتعملها. قال تعالى وما تسقط من ورقة الا يعلمه. يعني ما فيش ورقة بتقع من شجرة - 00:08:19

في الكون كله الا ربنا سبحانه وتعالى يعرف الورقة دي وقعت امتي ومن انهي شجرة انت متخيلاً سعة علم الله حاجة لا تتصورها قال تعالى وما من دابة في الأرض الا على الله رزقها ويعلم مستقرها ومستودعها كل في كتاب مبين. في اللوح المحفوظ - 00:08:39  
الرزق اول لما يعني الا على الله رزقها اول لما يجي كلمة الرزق كده في في زهن الانسان بييجي في بالك ايه؟ رزق ادي الاكل والشرب الفلوس يقول لك ايه انت بتقول يا رب ارزقني فانت اول حاجة بتيجي في زهنك في الرزق هو ايه؟ الاكل والشرب والفلوس - 00:09:00

لكن مفهوم الرزق واسع يعني ربنا سبحانه وتعالى لما معنى ان احنا بنتكلم عن الرزق كل حاجة كل النعم اللي في حياتك هي رزق يعني الصحة رزق عافية رزق الذرية الصالحة الزوجة الصالحة حتى النوم ان انت تعرف تنام من غير ما تاخذ مهدئات - 00:09:24  
قبل ما تاخذ دواء ومن غير ما تاخذ علاج ان انت تحط راسك كده على المخدة وتنام ده رزق كل الحركة اللي انت تحركها سماحك دلوقتي كل حاجة في حياتك. قال تعالى وما بكم من نعمة فمن الله. الايمان - 00:09:46  
رزق من الله سبحانه وتعالى. الحب والمودة والسكن رزق من الله سبحانه وتعالى التوفيق للعبادة رزق من الله سبحانه وتعالى. فمفهوم الرزق واسع مش بس الرزق هو ايه الاكل والشرب - 00:10:03

الله سبحانه وتعالى تكفل برزق العباد. فضلاً منه سبحانه وتعالى. قال الا على الله يعني الله سبحانه وتعالى اوجب على نفسه الرزق الا على الله رزقها. فهنا الاية دي بتديك حالة من ايه - 00:10:18

ان انت ايه اطمئن شوية اطمئن شوية. يعني اللي مكتوب لك الرزق اللي مكتوب لك هتاخده مش هتموت غير لما تاخذ رزقك قال النبي صلى الله عليه وسلم ان روح القدس نفت في رويعي انه لن تموت نفس. حتى ايه - 00:10:33  
تستوفي رزقها واجلها. يعني مش هتموت وانت ايه ناقص آآ شربة مية ولا نفس ولا هتموت وانت آآ كان مكتوب لك في خزانة ربنا سبحانه وتعالى زوجة وانت ما خدتهاش مستحيل تموت وانت الرزق بتاعك ايه - 00:10:52  
ما كملش فاتقوا الله واجملوا في الطلب فهنا بيقول ان الرزق بتاعك ده خلاص حاجة مكتوبة هتاخدها. ولو حاجة مش مكتوبة لك لو

انت اتشقلبت. وجريت وبذلت وسعيت يعني قطعت نفسك مش هتاخدها - [00:11:08](#)

وما من دابة في الارض الا على الله رزقها. طب ايه؟ انت بتقى احيانا عندا تصور ان ان الرزق اه اسبابه اه المادية بس السعي بس  
وان انت تجري وتشتغل. ربنا سبحانه وتعالى جعل اسباب جنب الاخذ بالاسباب المادية - [00:11:28](#)

والسعى فيه اسباب تانية شرعية للرزق ودي بتغيب عند كثير من الناس ان هو مش فاهم يعني المؤمن بيتعامل معاملة مختلفة عن  
الكافر الكافر له اسباب هو بيشتغل وزي ما هيجي معنا دلوقتي في اخراية الكافر بيشتغل وبيأخذ بالاسباب وبيبذل مجهود -

[00:11:48](#)

فيبرزق المؤمن في حاجات تانية في المعادلة بتاعة الرزق بتاعته غير بس السعي غير العلم والمجهود والتخطيط والسعى. من  
الاسباب الشرعية ايه للرزق صلة الرحم والاستغفار قال النبي صلى الله عليه وسلم من اراد - [00:12:11](#)

ان ينسأ له في رزقه ويبسط ان اراد ان ان يبسط له في رزقه وينسأ له في اثره فليصل رحمه. وقال تعالى في الاستغفار. يعني اول  
حاجة صلة الرحم. يعني انت لما - [00:12:33](#)

فتصل رحمة ترزق بسبب صلة الرحم. ومن الاسباب الاستغفار قال تعالى فقلت استغفروا ربكم انه كان غفارا. يرسل السماء عليكم  
مدرارا ويمددكم باموال وبنين ويجعل لكم جنات ويجعل لكم انهارا - [00:12:46](#)

ومنها التقوى قال تعالى ومن يتق الله يجعل له مخرجا ويرزقه من حيث لا يحتسب ومنها التوكل على الله آآ قال النبي صلى الله عليه  
وسلم والذي نفسي بيده لو انكم توكلون على الله حق توکلی لرزقکم كما يرزق الطير - [00:13:02](#)

تعدو خصافة وتروح بطانة يعني هي خارجة من الصبح ايه؟ بطانها فاضية جعنة. ترجع على اخر اليوم ايه بطانه بطانا شعبانة في  
اسباب ربنا سبحانه وتعالى تكفل برزق الانسان. فيه اسباب للرزق يعني يقول لك مين الاسباب؟ مين الاسباب - [00:13:22](#)

بعد صلة الرحم الانفاق يعني الطبيعي انت متوقع ان انت لما هتنفق من الفلوس بتاعتتك ان هي هتقل قال قال النبي صلى الله عليه  
وسلم قال الله تعالى يا ابن ادم اتفاق عليك - [00:13:42](#)

قال تعالى وما انفقت من شيء فهو يخلفه وهو خير الرازقين. فانت بتتصدق فده من اسباب الرزق. النفقة. قال تعالى قل ان ربى  
يبسط الرزق لمن يشاء من عباده ويقدر. وهو يقدر له وما انفقت من شيء فهو يخلفه. وهو خير الرازقين. وقال - [00:14:01](#)

صلى الله عليه وسلم ما من يوم يصبح العباد فيه الا ملكان ينزلان. فيقول احدهما اللهم منفقا خلفا. ويقول الآخر اللهم اعطي ممسكا  
تلفا. ومن الاسباب من اسباب الرزق الحج والعمرة - [00:14:22](#)

قال النبي صلى الله عليه وسلم تابعوا بين بين الحج والعمرة فانهما ينفيان الفقر كما ينفي الكبير خبث الحديد التوكل والاخذ  
بالاسباب والسعى. شف كان الحسن له كلمة. الحسن البصري له كلمة جميلة. يقول ايه؟ علمت ان رزقي - [00:14:41](#)

لن يأكله غيري فاطمئن قلبي وعلمت ان عملي لن يقوم به سواي فاشتغلت به. وعلمت ان الله مطلع على فاستحببته منه ان يراني  
حيث نهاني وعلمت ان الموت ينتظرني الموت مستيني. فاعدلت الزاد للقاء الله عز وجل. وهو بيقول انا علمت ان رزقي لن يأكله  
غيري. فاطمئن قلبي. يعني انا خلاص اطمئت - [00:15:02](#)

ما حدش هيأكله غيري. فالالية هنا بتخليلك ان انت ايه؟ تطمئن هي دي مشكلة يعني مشكلة كثير من الناس احنا بدایة المقدمة  
بتاعة السورة احنا قلنا هي بتتكلم عن منهج الدعوة. لأنك بتترتب الاولويات اللي فاكر - [00:15:33](#)

اللي فات. فيبعدين من اعظم المشاكل اللي بتقابل الناس هي مشكلة الرزق ايمان هو خايف شاكك فدابما خايف من المستقبل مش  
مطمئن هاكل ازاي؟ هتجوز ازاي؟ هصرف ازاي؟ طب هعمل ايه - [00:15:49](#)

او ان هو يستعجل ويأخذ ايه حرام قال النبي صلى الله عليه وسلم فلا يحملنكم استبطاء الرزق على ان تطلبوا بمعصية الله فان ما  
عند الله لا ينال الا بطاعته. فتلacieh اول لما فتح له باب هو عايز فلوس - [00:16:03](#)

اول لما يفتح له باب لا لا يتحرى بقى حلال وحرام هو بس عايز ايه يمسك فيه فخطورة عقيدة الرزق دي مصيبة يعني مصيبة ان  
الانسان تكون عقیدته في الرزق مهزوزة - [00:16:22](#)

ان هو ممکن الانسان مثلا يکون في شغلانة الشغلانة دي فيها حاجة حرام وبعدين هو يکمل فيها ليه؟ يقول لك لو سبتها هعمل ايه؟ هاكل ازاي؟ هاروح فين فهو مش مش متخييل الحنة دي يعني هو عنده مشكلة في العقيدة بتاعة الرزق دي اللي هو ايه؟ وما من دابة في الارض الا على الله رزقه - [00:16:40](#)

ان هو انت رزقك ده اصلا مكتوب وهاخدته سواء خدته بطريق حلال او بطريق حرام فهو رزقك فممکن واحد يتنازل او ممکن ايه مثلا ان هو يقرر ان هو يضحي بشغلانة حرام. فبعدين بعدها يتبنلى - [00:17:04](#)

فما يقدرش يصبر هييجي معانا في کام اية کده قدام ميقدرش يصبر ميقدرش يتحمل البلاء ده فهم جدا مهم جدا وانت وانت شغال في الدعوة وانت ترسخ ده ترسخ عند ناس قضية رزق - [00:17:22](#)

معاني الرزق ان انت مش متخييل عظمة ربنا سبحانه وتعالى قدرة ربنا سبحانه وتعالى على الرزق انت قلقان من ايه وخايف من ايه قال تعالى وما من دابة في الارض الا على الله رزقها ويعلم مستقرها ومستودعها قلنا مستقرها في هذه الدنيا ومستودعها اي - [00:17:37](#)

في القبر او مستقرها في الرحم ومستودعها في صلب ابيك. مستقرها في القبر ومستودعها في الجنة او النار. ثم قال سبحانه بعد الكلام عن الرزق والعلم قال تعالى وهو الذي خلق السماوات والارض في ستة ايام وكان عرشه عما. انت متخييل بقى ايه الكلام ده؟ المفروض ان قريش تسمع الكلام ده - [00:17:56](#)

يعني النبي عليه الصلاة والسلام بيخاطب قريش بهذا الكلام عن ربنا سبحانه وتعالى وقدرة ربنا سبحانه وتعالى وعن علم ربنا سبحانه وتعالى وهو الذي خلق السماوات والارض في ستة ايام ثم استوى على العرش وكان عرشه على الماء - [00:18:20](#) وكان عاشوراء الماء ليبلوكم ایکم احسن عملا هو لان قلت انکم مبعوثون. يعني من بعد الكلام ده كله. بعد الكلام عن عظمة ربنا. وبعد الكلام عن قدرة ربنا وعن سعة علم - [00:18:36](#)

لا وان ربنا هو اللي بيرزق وان ربنا هو اللي خلق السماوات والارض. بعد الكلام ده كله ولان قلت انکم مبعوثون من بعد الموت ليقولن الذين كفروا ان هذا الا سحر مبين - [00:18:50](#)

يعني متتصور بعد الخطاب القوي ده من اول السورة وان استغفروا ربکم ثم توبوا اليه يمتعکم متعاما حسنا الى اخر الكلام ده اول لما تقول لهم خلاص خد بالك انت بعد المقدمات دي كلها - [00:19:02](#)

انت هتموت وربنا سبحانه وتعالى اللي خلق السماوات والارض واللي بيرزقك واللي يعلم كل شيء ما من دابة في الارض الا على الله رزقها ويعلم مستقرها ومستودعه يقول لك خد بالك في ايه؟ في بعث. يقول لك لا لا لا - [00:19:15](#)

ما دام هتقول لي يوم قيامة وحساب وبس انت ساحر ان هذا الا سحر مبين قال تعالى وهو الذي خلق السماوات والارض في ستة ايام. وكان عرشه على الماء ليبلوکم ایکم احسن عملا. قال في البخاري حديث عن عمران ابن حصين قال اني عند النبي صلى الله عليه وسلم اذ جاءه قوم - [00:19:30](#)

منبني تميم.بني تميم دول اللي كانوا جم للنبي عليه الصلاة والسلام لما کنا بنتكلم عن سورة الحجرات اللي كان فيهم الاقرع ابن حابس اللي كان قال تعالى ان الذين ينادونك من وراء الحجرات اکثرهم لا يعقلون - [00:19:54](#)

فقال النبي صلى الله عليه وسلم اقبلوا البشرى يابني تميم بيسيرهم قالوا بشرتنا فاعطنا. عايز ايه؟ قالوها مرتبين. قالوا اه طب اذهبوا هات اي حاجة. هو قوم جفاء من - [00:20:08](#)

الاعراب قال فدخل ناس من اهل اليمن فقال اقبلوا البشرى يا اهل اليمن. اذ لم يقبلها بنو تميم قالوا قبلنا اهل اليمن ارق افندة قالوا قبلنا جئناك لنتفقه في الدين ولنسألك عن اول هذا الامر ما كان - [00:20:24](#)

قال النبي صلى الله عليه وسلم كان الله ولم يكن شيء قبله وكان عرشه على الماء ثم خلق السماوات والارض وكتب في الذكر يعني في اللوح كل شيء كان الله سبحانه وتعالى ولم يكن شيء قبله. ثم وكان عرشه على الماء ثم خلق السماوات والارض - [00:20:47](#) وكتب في الذكر كل شيء. قال ثم سيدنا عمران ابن حصين يقول ثم اتاني رجل فقال يا عمران ادرك ناقتك فقد ذهبـت هو بيسمع

الحاديis ومستندي بقى قال له الحق الجمل بتاعك ايه؟ فك - 00:21:11

في رواية تانية ان هو كان ربطة قبل ما يدخل الجمل ايه فك وايه طلع فخرج لقى الجبل ايه في سراب يعني بعد قال فذهبت فقد آا  
فقد ذهبت فانطلقت اطلبها فاذًا السراب ينقطع دونها. بعيد - 00:21:28

وایم الله لو ددت انها قد ذهبت ولم اقل تشوفه يقول بعد ما قمت ندمت ان انا فاتني بقية الكلام. ما عرفتش ايه اللي اتقال بعدها. في  
رواية تانية باينه يقول ويم الله لان الجمل بتاعي وشوف الجمل عند العرب ده ايه؟ ان - 00:21:43

العربية بتاعته قعدوا يقولوا الحق عربتك اتسرت و هو قاعد في الدرس بيقول ايه؟ ويل الله لو وددت انها قد زهبت ولم اقم كان  
عرشه على الماء قبل خلق السماوات والارض والخوض اصلا في يعني التفكير في - 00:21:58

المفروض ان انت تتوقف عند يعني الله سبحانه وتعالى بعد خلق السماوات والارض انت عارف ان ايه ان العرش فوق السماوات  
السبعين. قال تعالى الرحمن على العرش استوى. انما واحد - 00:22:18

راح للامام مالك او قال يا امام الرحمن على العرش استوى كيف استوى فازاي يعني الكيفية بيسأل عن الكيفية؟ قالوا الاستواء معلوم  
في اللغة والكيف مجھول والایمان به واجب والسؤال عنه بدعة - 00:22:31

انت انت بتؤمن وتثبت لله ما اثبته لنفسه سبحانه وتعالى من الاسماء ومن الصفات من غير لما انت ايه تحاول ان انت تشغل دماغك  
او تنفي الصفات او تعطل. الله سبحانه وتعالى قال ان هو سميح بصير فهو سميح بصير سبحانه وتعالى. طيب سمع ربنا زي سمعي -  
00:22:48

لأه طبعا ليس كمثله شيء وهو السميم البصير. فانت بتثبت لله الصفات ما تحاولش ما تتعطلش ان انت تنفي صفات ربنا سبحانه وتعالى  
زي الكلام سامعوا هو ايه؟ وكان عرشه على الماء. طب اللي ازاي؟ والماء ده كان على قيمته خلاص. توقف - 00:23:08

ربنا سبحانه وتعالى قال الاية دي كده خلاص انت تؤمن لأن ده غيب لأن دي غاية. قال وقوله تعالى بعده وهو الذي خلق السماوات  
والارض في ستة ايام وكان عرشه على الماء. طب كل بقى ايه؟ يعني شف المقدمة خلق السماوات والارض في ستة ايام. وكان عرশها  
الماء - 00:23:25

ليه ليبلوكم ايكم احسن عملا ان انت شوفي مقدمة العظمة دي بعد خلق السماوات والارض وبعد الرزق وما من دابة ومش عارف  
ايه كل ده ليه؟ ان انت ما تنساش في الاخر ان انت هنا في امتحان في اختبار - 00:23:44

ان اول لما الانسان بينسی ده بينسی مسألة الامتحان بينسی مسألة الاختيار. آا هو بتلاقيه ايه؟ في حالة من الغفلة يعني آا كان كان  
معي واحد بحكي قصته على طول والراجل ده - 00:24:02

الله يرحمه ويغفر له يعني شاب كان كان صاحبي يعني دفعتي وهو توفي ربنا يرحمه ويغفر له فكان دايما بيقعد ايه يقعد معايا في  
الامتحان وما كانش دماغه في الدراسة قوي. كان قدامي في اللجنة على طول. فكان يقعد في الامتحان وهو بيحب الرسم. يقلب  
ورقة الاسئلة ويقعد يرسم - 00:24:20

ما يحلش فتقعد تقول له طب حل اي حاجة. طب اعمل اي حاجة بس ما فيش يجي في الاخر كده ايه يقوم اي كلمتين وخلاص  
فعالة الانسان اللي في الدنيا ماشي كده ايه؟ هو هو هنا ناسي ان هو في امتحان مش مستشعر خطورة الامتحان - 00:24:36  
يعني انا هنا في امتحان مش جاي العب مش جاي ارسم ممكن ارسم في اي وقت تاني. بس الوقت ده ما ينفعش العب فيه. ما ينفعش  
اقعد ارسم في الوقت ده. ده وقت امتحان - 00:24:55

اول لما الانسان بينسی حقيقة الاختبار الابتلاء ده قال تعالى الذي تبارك الذي بيده الملك وهو على كل شيء قادر شوف برضو الملك  
والعظمة الذي خلق الموت والحياة ليبلوكم. ايكم احسن عملا - 00:25:05

قال ايكم احسن عملا مش العبرة ان انت تعمل عمل كتير. انت تعمل عمل حسن اه لما الحسن سئل قال آا قال الفضيل بن عياض رحمه  
الله اه لما سئل عن ايكم احسن عملا؟ قال اخلصه واصوابه - 00:25:21

قيل يا ابا علي ما اخلصه واصوابه؟ قال ان العمل اذا كان خالصا ولم يكن صوابا لم يقبل يعني انت بتعمل ايه عمل خالص انا مخلص

للله. وبعدين رحت داخل اصلي العصر ايه قلت اما اصلي تمن ركعات - 00:25:41

تأخر وبركة. لم يقبل واذا كان صوابا ولم يكن خالصا لم يقبل حتى يكون خالصا صوابه. والخالص ان يكون لوجه الله والصواب ان يكون على سنة النبي صلى الله عليه وسلم. ايكم احسن عملا؟ يعني على هدي النبي عليه الصلاة والسلام. فما تنساش دايما السورة دايما بتفكرك بمعنى - 00:25:58

الامتحان وان دايما في صراع بين الحق والباطل. وان في جنة ونار وان في رب سبحانه وتعالى وان ربنا سبحانه وتعالى له افعال واضحة حتى جاء امر ربك. فلما جاء امرنا جعلنا عاليها سافلة. الى ايها؟ افعال ربنا سبحانه وتعالى. ثم - 00:26:23

قال سبحانه وتعالى ولئن قلت انكم مبعوثون من بعد الموت ليقولن الذين كفروا ان هذا الا سحر مبين هنا هنا هو بيجيب لك ايها بدأ الكلام بتاعهم التكذيب. قال تعالى ولئن اخرنا عنهم العذاب الى امة معدودة - 00:26:43

ليقولن ما يحبسه يعني ده شوف الايه شوف الجهل والسفه. ربنا سبحانه وتعالى بيقول هنا ولئن اخرنا عنهم يعني عن هؤلاء قريش المكربين المعارضين ولقينا اخرنا عنهم العذاب الى امة معدودة. قالوا امة معدودة دي اما - 00:27:03

ان العقوبة تنزل او اما يوم ايه يوم بدر او يوم القيامة العقوبة تنزل في الدنيا زي ما حصل مع في في قصص الانبياء اللي هتتيجي معنا او امة معدودة اللام معدود يوم بدر الايه - 00:27:24

اللي هينزل عذاب على المشركين المكربين في يوم بدر او يوم القيامة ليقولن ايها؟ وربنا سبحانه وتعالى يحلم على هؤلاء لحكمة وعلم سبحانه وتعالى. ولئن اخرنا عنهم العذاب الى امة معدودة لا يقولون ما يحبسه - 00:27:42

هو ما ينزلش علينا العذاب ليه؟ مستنياك. اه يعني ايها آآ ويستعجلونك بالعذاب طب ما خلي ربك يعاقبنا ينزل علينا عقوبة ينزل علينا عذاب. فده من السفة. ده من الجهل. ولئن اخرنا عنهم العذاب الى امة - 00:28:03

معدودة لا يقولون ما يحبسه. الا يوم يأتيهم يوم بدر بقى او يوم القيامة او لما ينزل في الدنيا ليس مصروفا عنهم وحاق بهم ما كانوا به يستهزئون. مش انت كنتم بتسخروا من النبي عليه الصلاة والسلام وتستهزئوا بالقرآن وبتقولوا العذاب مش هينزل وبتستبعدوا - 00:28:20

يوم يأتيهم ليس مصروفا عنهم وحاق بهم ما كانوا به يستهزئون ودي فيها غرور يعني ده بتلاقيه موجود دلوقتي تلاقي مسلا واحد ملحد ولا مش عارف ايه ركز يا حمادة. ماشي. تلاقي واحد ايه تلاقي واحد ملحد - 00:28:39

آآ وبعدين ايه قاعد بيتجرا جدا وبيشتم في آآ في الدين وبيشتم في ربنا وبيشتم في النبي عليه الصلاة والسلام وبعدين ايه شفت شفت تعليقات لبعضهم يعني في مرة يعني في بيقول ايها؟ لو انت كان دينك ده حق ولو ربنا موجود فعلا - 00:29:00

ما تخلي ايه خليه يعاقبني ما انا بشتمه وداخليه ينزل علي عقوبة هو كانوا بيقولوا ايها؟ لولا يعذبنا الله بما نقول. ربنا قال ايه حسبهم جهنم يصلون - 00:29:20

طيب صلوا على النبي. فكتنا بنقول ايها؟ ان دا الغرور دا الغرور دا موجود قال ولئن اخرنا عنهم العذاب الى امة معدودة لا يقولون ما يحبسوا ان ده موجود. يقول لك ايه طب ما انا بشتم ربنا اهو - 00:29:37

فين بقى ما بيعاقبنيش ليه؟ ما ينزلش علي بقى صاعقة من السماء ليه ويقولون في انفسهم لولا يعذبنا الله بما نقول حسبهم جهنم يصلون وقال الا يوم يأتيهم ليس مصروفا عنهم وحاق بهم ما كانوا به يستهزئون. قال تعالى ولئن اذاقنا الانسان منا رحمة - 00:29:53

ثم نزعناها منه انه ليؤوس كفور الاية دي خطيرة ولان اذاقنا الانسان منا رحمة ثم نزعناها منه يعني ايها الرحمة هنا معناه اي ناري رزقي في الدنيا ان اي اي صورة من صور النعيم - 00:30:12

اي صورة من صور النعيم ولئن اذاقنا الانسان منا رحمة ثم نزعناها منه يلا اجلس اجلس قال ثم نزعناها منه انه ليؤوس كفور. هنا فكر بس كده. ربنا سبحانه وتعالى ينعم على الانسان ويتوسع على الانسان بنعم - 00:30:34

الصحة مال اي اي نوع من انواع النعم والرزق رحمة ثم نزعناها منه يعني عارف عارف التشبيه ده ايه عارف عيله الصغير الطفل لو

انت اديته مسلا لعبة واديته حاجة فقعد يلعب بها بس هي مش بتاعته - [00:31:04](#)

فجيست ايه خدتها منه بقى فاول لما تاخدها بيعمل ايه يصرخ بقى ويغيط ومش عارف ايه. هو ده حال الانسان. هو ربنا سبحانه وتعالى ينعم على الانسان. يعطيه حاجة هي اصلا هبة - [00:31:20](#)

من ربنا سبحانه وتعالى. هي مش بتاعتك اصلا. دي مش ملكك. وانت خدتها بغير استحقاق. يعني انت يعني ايه؟ مش من حقك ان انت تاخدها اصل ربنا سبحانه وتعالى تفضل عليك واعطاك ده. فايه ربنا سبحانه وتعالى يعطي الانسان الصحة والعافية الرزق اي حاجة. قال ثم نزعناها منه. طب نزعناها - [00:31:35](#)

حکمة اما ان ممکن واحد تنزع منه مسلا الصحة والعافية عقوبة ابتلاء علشان يتترك معصية معينة عشان يفوق من الغفلة اللي هو فيها. او ممکن انسان بيتللى ابتلاء بنزع نعمة يمنع عنه حاجة - [00:31:55](#)

علشان وربنا سبحانه وتعالى بيربيه لحاجة آآكبيرة هو متعلق بالدنيا مسلا فيقبل في وشه مسلا باب من ابواب الدنيا هو كان نفسه يدخل فيه ليه ربنا نزع منه دي - [00:32:18](#)

فاول لما الانسان يسلب منه النعمة تسلب منه الحاجة اللي هو كان بيحبها ومتلقيها بها انه ليؤوس كفور يؤوس من ايه من المستقبل يعني خلاص هي بازت. يا ابني طب انا خلاص مش هخف. هو واحد كان صحيح وجاء له مرض خلاص - [00:32:32](#)

عايز ايه النبي عليه الصلاة والسلام قال لا بأس طهور ان شاء الله. قال له طهور ايه؟ بل حمى تفور على شيخ كبير فتدبهه القبور. تسكنه القبور قال له ده انا ده خلاص شف اليأس ده اللي جاي ايه؟ اسوأ. اسوأ - [00:32:57](#)

او كفور ده بقى على اللي ايه ؟ اللي فات. ياه! فين ايام زمان! وهو هو هو نفسه. ايام زمان كان يقول ايه؟ كان برضه على الايام بتاعة زمان ويقول لك خايف برضو من المستقبل فين ايام زمان - [00:33:13](#)

في حالة من الایه؟ يؤوس كفور جاحد ان الانسان لربه لكنو يعدد المصائب وينسى النعم. فهنا بيقول ايه ولئن اذاقنا الانسان منا رحمة. ثم نزعناها منه وانه ليؤوس كفور. يبقى - [00:33:30](#)

في صحة فتسلب منه الصحة يبقى مسلا ربنا سبحانه وتعالى رزقه رزق معين. واحدة مسلا اتخطبت بعد ما اتخطبت فرحانة ونعمة ومش عارف ايه وبعدين ربنا يقدر عليها ان اي سبب من الاسباب لحكمة - [00:33:44](#)

ان في لحظة تنزع النعمة دي قلنا ان النزع ده حكم ربنا سبحانه وتعالى في نزع النعمة من العبد كتير عقوبة على معصية ممکن يكون ربنا بيصرف عنك شر ممکن ان انت متعلق بامر معين فربنا بيهدب الانسان ده. حاجات كتير. ربما - [00:34:03](#)

دعاك ليعطيك وربما اعطاك ليمنعك. اول لما يسلب منه النعمة تلاقيه بيتحول لاسلوب عدائى. يعني انت مني دي طب والله ما انا مصللي فتلاقيه واحدة مسلا كانت في في علاقة وبعدين اتطلقت حصل لها مشاكل مش عارف ايه - [00:34:23](#)

فتلاقيه مسلا كانت لابسة حجاب ولابسة نقاب مش عارف ايه بعد الابتلاء ده بعد المصيبة دي اللي حصلت لها تقوم ايه في حالة من السخط كده والغضب انه ليؤوس كفور. يعني حالة من سوء الظن والغضب واليأس من المستقبل والسطح على الواقع اللي هو فيه - [00:34:44](#)

ده حال الانسان حال الانسان. طب لو لو الفترة الصعبة دي عدت فترة البلاء الصعب دي عدت وربنا سبحانه وتعالى بدل حالة الایه؟ الضراء دي بايه؟ بالنعماء بعد ما كان فقير اغتنى - [00:35:00](#)

بعد ما كان عنده تعجان ومریض وبیشتکی ربنا رد له الصحة بتاعته. ايه اللي بيحصل بقى؟ المفروض ان هو يعمل ايه ان هو يشكر ربنا ان هو يشوف النعمة ان ربنا انعم عليه. قال قال تعالى - [00:35:22](#)

ولقينا اذاقنا الانسان منا رحمة ثم نزعناها منه انه ليؤوس كفور. ولئن اذقناه نعماء. بعد ضراء مسته ليقولن ذهب السينات عندي خلاص الحمد لله انا بقى زي الفل ما بقولش الحمد لله بقى. ده كل حاجة تمام. وممکن کمان ينسب الفضل لايه؟ لنفسه. قال انما - [00:35:40](#)

تيتو على علم عندي. ده اصلًا الموضوع ما كنش مستاهل. ده انا بزلت مجھود وحلیت المشكلة دي بنفسي وعملت كذا ومش عارف

ايه. فيفرح آآ مش مش الفرح اللي هو فرحان بفضل ربنا سبحانه وتعالى قل بفضل الله وبرحمته بذلك فليفرحوا. لا لا هو انه لفرح فخور - 00:36:01

بقي في حالة من الايه؟ هو نسي تماما ان ده من عند ربنا ربنا سبحانه وتعالى استثنى من هؤلاء قال ان دي افعال الكافرين ده فعل الكافر وفعل الشخص اللي ما يعرفش ربنا سبحانه وتعالى سيء الظن بالله. وبعددين استثنى فيه قال الا الذين صبروا وعملوا الصالحات - 00:36:21

كلمة الا الذين صبروا وعملوا الصالحات دي ما جتش في القرآن غير في سورة هود يعني كل الآيات ايه امنوا وعملوا الصالحات الا الآية دي يعني كأن محور السورة من المحاور الأساسية قضية الصبر دي - 00:36:43

الا الذين صبروا وعملوا الصالحات. قال لك صبروا ايه؟ يعني الصبر هنا في ايه؟ قال لك الصبر في الحالتين في وقت الضراء لما النعمة اتسليت منه كان صابر. وراضي ولما النعمة جاء له - 00:36:59

في وقت صبر على النعمة صبر على الشكر. ما اتفتنش بها. لأن في ناس كثير بيصبر على الضراء وما يعرفش يصبر على ايه على النعمة يعني لما يتفتح عليه وفلوس الدنيا تزهـه معه - 00:37:21

خلاص ما تلاقيهوش يعني اول لما الدنيا تفتح في وشه وانا بقول للشباب كده كثير في فترة الجامعة كثير فترة الجامعة بتلاقي الشباب فعلا في فتن صعبة في المدرسة وفي الجامعة الفتن الشهوات والشبهات وضغط المجتمع ومـش عارف ايه - 00:37:37 وبيفضل شاب يايـه يجـاهـد ويـغـضـبـ بـصـرـهـ وـيـبعـدـ عـاـيـزـ بـيـحـبـ وـاحـدـةـ وـمـشـ عـاـيـزـ يـكـلمـهـ وـيـتـرـكـ دـهـ لـلـهـ وـيـغـيـرـ الصـحـبـةـ وـالـسـفـرـيـاتـ والـخـرـوجـ ومـشـ وـهـ يـتـزـبـطـ لـبـسـهاـ وـصـاحـبـاتـهاـ هـيـتـرـيقـوـاـ عـلـيـهـاـ اـوـلـاـ مـاـ يـخـرـجـ - 00:37:57

بعد الجامعة وبيتدى في الحياة العملية بقى في الشغل القوة الناعمة بقى. الدنيا هي ايه بتسحبك كده واحدة واحدة لحد ما ايه تلاقيه ايه عارف اعمل ايه ما انا بشتغل ورایح الشغل وراجع في الشغل طب فين حفظ القرآن فين طلب - 00:38:14 علم فين حضور الدروس فين الدعوة؟ فتلاقيه بدأ يختار اختيارات في الشغل. مش معتبر ان في ثوابت في الدين اصلا عنده. فتلاقيه بدأ غير هو مش حاسس يعني هو مش حاسس ان هو بدأ واحدة واحدة النار اللي كانت جواه ما بقتش موجودة. هو مش حاسس ان هو مش حاسس بخطر. ليه - 00:38:33

لان هو مش شايف الدنيا هو مش شايفها واحدة قدامه هتفتنـهـ ولاـ شـاـيـفـهـاـ واحدـهـ بـيـقـوـلـ لهـ تعالـ اـشـرـبـ مـخـدـرـاتـ ولاـ شـاـيـفـ حدـ بـيـعـرـضـ عليهـ الزـنـاـ ولاـ هوـ مشـ شـاـيـفـهـاـ كـدـهـ - 00:38:53

هو ماشي فيها وهي قال النبي صلى الله عليه وسلم ان الدنيا حلوة خضرة كده بتتسحب وان الله مستخلفكم فيها فينظر كيف تعملون. فاتقوا الدنيا واتقوا النساء وقال ايه ولئن اذقناه نعماه بعد ضراء مسته ليقولن ذهب السينات يعني انه لفرح فخور الا الذين صبروا. وعملوا الصالحات اوئلـهـ لهمـ مـغـفـرـةـ - 00:39:05

واجر كبير آآ الا الذين صبروا وعملوا الصالحات. النبي عليه الصلاة والسلام قال ما يصيب المسلم يعني في في كل شيء ابتلاء يصيب الانسان فقد حاجة نزعـتـ منهـ نـعـمـةـ معـيـنةـ. ماـ يـصـيـبـ المـسـلـمـ منـ نـصـبـ وـلـاـ وـصـبـ. الوـصـىـ بـالـمـرـضـ الـلـازـمـ. مـلـازـمـ لهـ - 00:39:33 ولاـ هـمـ وـلـاـ حـزـنـ وـلـاـ اـنـىـ وـلـاـ غـمـ الغـمـومـ بـيـغـفـتـ حـتـىـ الشـوـكـةـ يـشـاكـهـ الاـ كـفـرـ اللـهـ بـهـاـ منـ خـطاـيـاـهـ وـقـالـ صـلـىـ اللـهـ عـلـيـهـ وـسـلـمـ عـجـباـ لـامـرـ المؤـمنـ انـ اـمـرـهـ - 00:40:01

كلـهـ خـيـرـ وـلـيـسـ ذـاكـ لـاحـدـ الاـ المؤـمنـ اـيـهـ هوـ الكـافـرـ ماـ يـعـرـفـشـ دـهـ ماـ يـعـرـفـشـ انـ هوـ اـيـهـ عـلـمـ حـادـسـةـ وـلـاـ فـلـوـسـ المـخـازـنـ المـخـازـنـ بتـاعـتـكـ اـتـحرـقـتـ مـمـكـنـ يـنـتـحرـ مـمـكـنـ فيـ حاجـةـ خـبـرـ زـيـ دـهـ يـنـتـحرـ. مـرـاتـكـ مـاتـ اـبـنـكـ مـاتـ - 00:40:24

ماـ عـنـدوـشـ حاجـةـ آآـ هوـ هـيـصـبـرـ لـيـهـ اـصـلـاـ؟ـ اـيـهـ الحاجـةـ الليـ تـخـلـيـهـ يـتـحـمـلـ خـبـرـ زـيـ دـهـ فـمـمـكـنـ خـبـرـ زـيـ دـهـ هوـ ماـ يـقـدـرـشـ عـلـيـهـ فيـ وـاحـدـ اـتـجـنـ مـشـ كـانـ بـيـشـتـغـلـ وـفـلـوـسـ حـيـاتـهـ كـلـهـ وـالـتـجـارـةـ وـمـشـ عـارـفـ اـيـهـ وـبـعـدـينـ اـيـهـ - 00:40:49

اتـنـصبـ عـلـيـهـ مـسـلاـ مـمـكـنـ يـجـنـ يـتـجـنـ فـعـلـاـ يـفـقـدـ عـقـلـهـ ربـنـاـ سـبـانـهـ وـتـعـالـىـ عـلـمـكـ انـ المؤـمنـ مـشـ كـدـهـ انـ الانـسـانـ خـلـقـ هـلـوـعاـ اذاـ مـسـهـ الشـرـ جـزوـعاـ وـاـذاـ مـسـهـ الخـيـرـ وـنـوـعاـ الاـ المـصـلـيـنـ - 00:41:07

هيفقول ايه ؟ عجبنا لامر المؤمن النبي عليه الصلاة والسلام بيتعجب من امر المؤمن ان امره كله خير. ممكن يحصل له مصيبة بس يبقى خير له وليس ذاك لاحد الا المؤمن. الا للمؤمن. ان اصابته سراء شكر فكان خيرا له. وان اصابته ضراء صبر فكان - 00:41:24 خيرا له. بعدين بدأ خطاب للنبي عليه الصلاة والسلام بعد الضغط الشديد من المشركين. قال تعالى فلعلك تارك بعض ما يوحى اليك وضائق به صدرك. اي يقولوا لولا انزل عليه كنزه او جاء معه ملك - 00:41:44

انما انت نذير والله على كل شيء وكيل ربنا سبحانه وتعالى الآية دي فيها سلوى للنبي عليه الصلاة والسلام. ربنا بيقول له ايه ؟ فلعلك تارك بعض ما يوحى اليك. وضائع - 00:42:04

به صدرك. هم كانوا بيقولوا ايه ؟ ان يقولوا لئلا يقولوا يعني هم كانوا بيقولوا ايه ؟ قريش كانت بتقول النبي عليه الصلاة والسلام ايه قال تعالى ولقد صرفا للناس في هذا القرآن من كل مثل فاي اكثر الناس الا كفورا. وقالوا لن نؤمن لك حتى - 00:42:18 شف الكلام بقى. حتى تفجر لنا من الارض ينبع من او تكون لك جنة من نخيل وعنبر فتفجر الانهار خالها تتجغير او تسقط السماء كما زعمت علينا كسفنا. انت مش تقول هتنزلنا عذاب ؟ طب احنا عايزين السما تنزل علينا قطع - 00:42:37 قطعة او تسقط السماء كما زعمت علينا كسفنا او تأتي بالله والملاك قبيلة. طب احنا هات ايه ؟ هات ربكم والملايكة اللي قدامنا كده نشووفه الكلام قال قالوا له ايه تاني ؟ او يكون لك بيت من زخرف - 00:43:00

انت بيتك اه متواضع لك ايه ؟ احنا عايزين بيت مزخرف من الذهب وكده او يكون لك بيت من زخرف او ترقى في السماء ولن نؤمن لرقيك يعني حتى لو طلعت في السماء ولن نؤمن لرقيك حتى تنزل علينا كتابا نقرأه - 00:43:17 تطلع فوق وتجيب لنا كتاب وانت نازل بالله عليك الكلام ده لو اتقال لك انت حريص عليه على اهلك عيب احساسك ايه وانت صادق وهم عارفين انت صادق وانت من اشراف اشراف مكة - 00:43:35

النبي عليه الصلاة والسلام اشرف آآ رجل في مكة نسبا ومع ذلك يسمع الكلام ده. قال آآ في في سورة الفرقان وقالوا ما لهذا الرسول في سورة تكملة الآية قال قال تعالى قل سبحان ربى - 00:43:55

قل لهم نزه ربنا سبحانه وتعالى. قل سبحان ربى ايه الجهل ده ! هل كنت الا بشرى رسول؟ وما من الناس ان يؤمنوا اذ جاءهم الهدى الا ان قالوا بعث الله بشرى رسولنا قل - 00:44:17

لو كان في الارض ملائكة يمشون مطمئنين لننزلنا عليهم من السماء ملكا رسول في في سورة الفرقان وقالوا ما لهذا الرسول الله ايه حكايته ده ؟ يأكل الطعام ويمشي في الاسواق - 00:44:31

طب انت عايز ايه يعني انت عايز ايه ؟ ما هو ما هو لونزل ملك هيقول لك ده ملك. مش هينفع اقلده. طب انت عايز ايه بقى ما لهذا الرسول يأكل الطعام ويمشي في الاسواق. لولا لولا انزل اليه ملك - 00:44:47 فيكون معه نذيره او يلقى اليه كنز او تكون له جنة يأكل منها وقال الطالمون ان تتبعون الا رجالا مسحورا. قال تعالى انظر كيف ضربوا لك الامثال فضلوا فلا يستطيعون سبيلا - 00:45:03

تبارك الذي ان شاء جعل لك خيرا من ذلك جنات تجري من تحتها الانهار ويجعل لك قصورا. بل كذبوا بالساعة. هي مش المشكلة ان هو عايز اصلا ايه ؟ هو مش عايز ده اصلا - 00:45:22

هو بيستهبل يعني بل كذبوا بالساعة واعتدنا لمن كذب بالساعة سيرا. الكلام ده كله في قلب النبي عليه الصلاة والسلام يبقى عامل ازاى ؟ لما يسمع كل كل السخريه والتعنت قال تعالى فلعلك تارك بعض ما يحال - 00:45:37

وضائق به صدرك. اصل لو كلمتهم في دي هيزعلاوا. فضاق صدره صلى الله عليه وسلم او او هو آآ آآ فلعلك تارك بعض بعض ما يوحى اليك وضائقكم به وضائقكم به صدرك ان يقولوا لئلا يقولوا. لولا انزل عليه كنز او جاء معه ملك - 00:45:55

قل لهم ايه ؟ انما انت نذير. يعني هون عليك. ما تزعلش نفسك ما تتأثرش بالكلام ده. وده فيه خطاب لكل واحد شغال في الدعوه. انما انت نذير. يعني بيترقبوا علي اصل انا بكلمهم بيترقبوا علي - 00:46:16

بيسخروا مني مش عاجبهم كلامي مش عارف انما انت نذير. وهنا اختار لفظ ايه ؟ النذارة ليه اصل هو هو ده اللي لا يليق مع الكلام يعني

اما يبقى الكلام لازم يكون له الحكمة تكون في وضع شيء في موضعه - 00:46:34

ده موضع نزارة. ده واحد قاعد ايه بيترىق وبيسخر وبيتعنت. اقول له ايه؟ اقول له ربنا غفور رحيم اقول له هتدخل الجنة؟ لازم لازم ايه لازم زجر هنا انما انت نذير والله على كل شيء وكيل. ليس عليك هداه. انت عليك ان انت ايه تبلغ - 00:46:52

فذكر انما انت مذكر لست عليهم بمسطير. فدي تريحك يعني دي وانت شغال في الدعوة هتخلي نفسك ايه عادي. انا ببلغ عليكم. بحب لكم الخير. انصحك. طيب مش همشي بقى ورت ايه؟ عملت ايه؟ ولا ما عملتش؟ وما عملتش واغضب واتضايق - 00:47:12

تاخد الكلام على على سدرك؟ لا خليلك. قال تعالى ولقد نعلم ولقد نعلم انك يضيق صدرك بما يقولون. فسبح لربك وكن من الساجدين. واعبد ربك حتى يأتيك اليقين. ابن كثير قال كلمة جميلة بيقول ايه؟ وقال ها هنا فلعلك تارك بعض ما يوحى اليك - 00:47:32

وضائق به صدرك ان يقولوا اي لقولهم ذلك فانما انت نذير. ولك اسوة باخوانك من الرسل. قبلك فانهم كذبوا اوذوا فصبروا حتى اتاهم نصر الله عز وجل. يقول لك اسوة في هتشوف بقى قدام. يعني انت دلوقتي زعلان من اللي هم بيقولوه - 00:47:52

اه شف بقى ايه هم بيقولوا انا لنراك في سفاهة وانت في ضلال ومش عارف قد كنت فيما مرجوما قبل ده انت لسه هتشوف ايه اللي حصل مع اللي قبلك لك اسوة فيهم - 00:48:12

فااصر. فعشان كده اللي مهموم بهموم الدعوة وشغال ومطحون لما يقرأ سورة هود يحس هو اصلا اللي انا بعمله ده ايه؟ ايه اللي انت بتعمله يعني حد دخل كتب لك كومنت زعلك او حد رد بعت لك رسالة مش عارف ايه ايه يعني ده يعني مش فاهم يعني دخلت تنكر على الناس على جروب الدفعه قلت لهم يا جماعة الفندق حرام - 00:48:22

فهزقوك ايه ايه يعني لما تهزق يعني يعني من النبي عليه الصلاة والسلام؟ انت احسن من سيدنا نوح سيدنا نوح قال تسممية وخمسين سنة شغال في الدعوة ولك ان تتخيل ان الانبياء يعني ايه يعني انت بتقول ممكن يكون مسلا مشكلة في طريقة كلامي - 00:48:42

طب النبي عليه الصلاة والسلام بيتكلم ازاى اه وفي بيان احسن من بيان النبي عليه الصلاة والسلام؟ طيب ممكن المشكلة في شكل؟ شكري مسلا مش عاجبهم. طب شكل النبي عليه الصلاة والسلام - 00:49:01

الانبياء كانوا في اكمل سورة مؤيد بالوحى مؤيد بالآيات ومعه احسن خطاب يعني لما ييجي معنا خطيب الانبياء وتشوف الكلام بتاعه والفصاحة والدعوه ومش عارف ايه وفي الآخر قالوا ايه - 00:49:13

ما نفقه كثيرا مما تقول. ايه يعني انت مش فاهم؟ خطيب الانبياء ويقولوا له ما نفقه كثيرا مما تقول وانا لنراك في ضعيفة ولو رهتك لرجمناك وما انت علينا بعزيز - 00:49:30

فكأن الاية ايه بتقول لك هون عليك هون عليك قال قال تعالى ام يقولون افتراء يعني هم قريش بتقول ان هو محمد اختلف هذا القرآن من عنده خلاص ماشي هو هو مفترى خلاص اهو احنا هنقول ان هو ايه ان القرآن ده هو افتراء - 00:49:44

انت بقى ايه هو فصيح من العرب منكم. وانت اهل اللغة واهل الفصاحة. فانت ايه اعملوا ايه اتجمعوا لكم مع بعض وهاتوا الاصنام بتاعتهم وشوفوا الجن اللي انت بتتسخروهم وهاتوا من جزيرة العرب واعملوا مسابقات وهاتوا ايه؟ عشر صور آآبرضو - 00:50:08

كده ايه مفتريات زي ايه؟ القرآن اللي هو افتراء. وادعوا من استطعتم من دونه ان كنتم صادقين هو راجل انت بتقولوا ان هو اختلف هذا القرآن وانت اهل الفصاحة واهل اللغة. اعملوا زي - 00:50:29

هاتوا عشر سور. وفي تحدي تاني سورة ماشي؟ او هاتوا مثل القرآن ده ما عرفوش. قال تعالى فان لم يستجيبوا لكم يعني وهم ما مش هيستجيبوا فان لم يستجيبوا لكم فاعلموا ان ما انزل بعلم الله من عند الله سبحانه وتعالى. طيب بما ان هو نزل من عند ربنا - 00:50:47

يبقى الحقيقة اللي بعد كده ايه؟ بما ان انا ما عرفتش اجيبي زي. وان هو مش مختلف وان ده مش من كلام النبي عليه الصلاة والسلام. وان ده وحى. انزل بعلم الله من - 00:51:11

عند الله يبقى خلاص ايه؟ وان لا الله الا هو فكان الخطاب اللي بعدها الطبيعي ايه؟ فهل انت مسلمون يعني انت مستني ايه بقى فعل

انت مسلمون؟ تستسلم وبعدين جاب لك بعدها - 00:51:21

ودي اخر اية نختم بها المانع الحقيقى اللي كان مانعهم ايه زي ما كنا بنقول في في الدرس اللي فات ان دايما في حاجة ايه الحاجز هو اللي بيمنعه عن الايمان - 00:51:39

قال قال تعالى من كان يريد الحياة الدنيا وزينتها نوفي اليهم اعمالهم فيها وهم فيها لا يبخس اولئك الذين ليس لهم في الآخرة الا النار وحبط ما صنعوا فيها وباطل ما كانوا يعملون - 00:51:56

من كان يريد الحياة الدنيا وزينتها. يعني ايه طيب طب لو انا مؤمن مثلا وعايز الدنيا وعايز الآخرة برضه في نفس الوقت هل ده فيه مشكلة ها ما فيش مشكلة - 00:52:16

يا جماعة المشكلة هنا فين المشكلة ان هو وعايز الدنيا بس يعني هو مش عايز الآخرة اصلا ما بيعملش قال تعالى هنا شف ابن الجوزي جاب اثار في الاية دي. قل ايه؟ قال ابن عباس من كان يريد من كان يريد عاجل الدنيا ولا يؤمن بالبعض - 00:52:34

سوى الجزاء هو الكافر بيتكلم عن الكافر قال غيره انما هي في الكافر لأن المؤمن يريد الدنيا والآخرة وقوله نوفي اليهم اعمالهم فيها يعني بيأخذ ايه؟ هو اجتهد واشتغل في الدنيا ياخذ ايه - 00:52:53

تاخد اجره نصبيه في الدنيا نوفي اليهم اعمالهم فيها وفيها لا يبخسون. ما يتزلمس طب والآخرة؟ اولئك الذين ليس لهم في الآخرة الا النار قال تعالى من كان يريد العاجلة - 00:53:10

العجبية اللي هي ايه ايه الدنيا؟ ايه الدنيا؟ عجلنا له فيها شوف ما نشاء لمن نريد هو هو عايز العاجلة بس من كان يريد العاجلة عجلنا له فيها ما نشاء لمن نريد - 00:53:28

يعني حتى اللي هيأخذ هياخذ ايه ربنا سبحانه وتعالي يقدر رزقه ما نشاء لمن نريد ثم جعلنا له جهنم يصلها مذموما مذحورا. ومن اراد الآخرة وسعى سعيها وهو مؤمن فاولئك كان سعيهم مشكورا. كلنا نمد هؤلاء وهؤلاء من عطاء ربكم. يعني ده بيأخذ - 00:53:48

دنيا وده بيأخذ دنيا لكن المؤمن بيأخذ ايه؟ دنيا وآخرة يعني يمتع بالدنيا ويتمتع في الآخرة الكافر ياخذ نصبيه في الدنيا ويستمتع لكن كل الاعمال اللي كان بيعملها في الدنيا ممكن يكون كان بيعمل اعمال صالحة. ياخذ الجزاء بتاعه كامل - 00:54:16

امل في الدنيا. يقول لك يا عم فلانة المسلمة مش عارف كذا وبتعمل اعمال خيرية ومش عارف ازاي دي تدخل النار. هي النار دي بتاعت بتاعتك ولا بتاعة ابويها ولا بتاعة جدي عشان انا اقول فلانة يدخل. مش فاهم يعني. ربنا سبحانه وتعالي - 00:54:37

شروط لدخول الجنة. آآ وشروط اللي مش هي عملها يدخل النار يخلد في النار. فالجنة دي مش بتاعتي عشان اقول فلان ده ادخله الجنة كده جدعنة من عندي كده. طب آآ اصل هو طيب ايوه ماشي - 00:54:57

هو مؤمن ولا كافر؟ قال تعالى من كان يريد العاجلة عجلنا له فيها ما نشاء لمن نريد ثم جعلنا له جهنم يصلها مؤمن مذحور. يعني هو هنا كل الاعمال اللي الكافر بي عملها في الدنيا بيأخذ الجزاء بتاعها. ربنا ما بيزلمس - 00:55:17

قال آآ من كان يريد الحياة الدنيا وزينتها نوفي اليهم اعمالهم فين؟ فيها في دنيا وهم فيها لا يبخسون. هتاخد مش تبخس هتاخد حنك كام. يمتع في الدنيا بذل مجهد - 00:55:37

واشتغل ولعيب كورة كسيب ما شاء الله ومش عارف وعايش حياته تمام ومبسوط تمام. تنعم في الدنيا اولئك الذين ليس لهم في الآخرة الا النار. لو مات على الكفر. وحبط ما صنعوا فيها. طب هو كان بيعمل اعمال كويسة بيتصدق - 00:55:57

وبيعمل وبيساعد الناس واحلاقه طيبة وحبط ما صنعوا فيها. كل الاعمال دي الشرط الاساسي بتاعها مش موجود. فكل الاعمال دي ايه اعماله كسراب بقى يحسبه الظمان ماء. حتى اذا جاءه - 00:56:17

لم يجده شيئا. ووجد الله عنده فوفاه حسابا طيب مشكلة المؤمن فين بقى يعني احنا بنقول المؤمن عادي ان هو يريد الدنيا ويريد الآخرة. لأن طبيعي انا بشتغل في الدنيا. قال تعالى فامشو في مناكبها وكلوا من رزقه - 00:56:37

والنبي عليه الصلاة والسلام قال حبب الي من دنياكم الطيب والنساء وجعلت قرة عيني في الصلاة. فانت بتعيش الدنيا تأكل من حلال

آكلوا من الطيبات واعملوا صالحا تأكل من حلال وتتزوج و تستمتع. زين للناس حب الشهوات من النساء والبنين والقناطير المقنطرة من الذهب والفضة والخيل المسمومة والانعام والحرث. ذلك - 00:57:02

متاع الحياة الدنيا نعم المال الصالح رجل الصالح. النصوص بتقول ان انت ايها ما فيش مشكلة ان انت يبقى معك الدنيا وكل لما انت تسخر الدنيا في طاعة الله ده ده بالعكس ده ده ايها الغني الشاكر - 00:57:26

آآ نعمتان آآ او لا حسد الا في اثنتين رجل اتاه الله مالا فسلطه على هلكته في الحق غني بيتصدق وبينفق المال في سبيل الله. المشكلة هنا بتحصل فين؟ في وقت التعارض - 00:57:46

يعني الاية دي ممكن واحد هيقرأها من كان يريد الحياة الدنيا خلاص دي للكفار فدي ايها؟ دي مش لنا مش تبعنا فعدي هات اللي بعدها. لا مين قال كده الاية بتخاطبك زي ما هي بتخاطب الكافر هي بتخاطب المؤمن اللي عند التعارض على طول ما بيفركش - 00:58:06

اول لما تتعارض الدنيا مع الاخرة من غير ما من يبص اصلا الدنيا فين وهو بيقدم الدنيا والتعرض ده يعني ممكن تبقى انت متصور ان هي تبقى حاجة بقى ايها يتعرض عليك آآ خد ده خد يا محمد شنطة الكوكابين دي - 00:58:26  
يهربيها وتقول له لا لا يا عم كوكابين حرام مش هينفع ماشي خلاص يلا عشان بس نخلص احنا كنا بنقول ايها اه محمد كان بيهرب كوكابين. هو انت بتبقى متخليل ان ان احنا - 00:58:45

تقول تعارض ان ده ايها هيحصل بقى ايها؟ آآ كده او حد يقول لك بقى ايها خدي اشربي زيت خمرة. لا لا الخمرة حرام لا مين قال كده التعرض بيجي ببساطة جدا يعني انت ممكن تبقى مسلا ايها الفجر مسلا الساعة اربعة ونص وانت المفروض ان انت تدخل تنام بدري فانت ايها يجيلك ماتشن - 00:59:05

مسلا الساعة آآ واحدة بالليل ولا اتنين بالليل. فانت عارف ان انت لو رحت لعب الماتش هترجع ايها؟ هترجع تنام ومش هتصحي الفجر. فتعمل ايها فتروح تلعب الماتش عادي جدا فهنا التعارض انت بتبقى متصور ان هي حاجة ايها حاجة كبيرة عادي التعارض ده ممكن ان انا قاعد والعب - 00:59:25

والازان بيأذن والمسجد جنبي وانا قاعد ايها آآ بلعب فيي الاخر انا يعني انا انت الدنيا هنا تعارضت انا بلعب بلاي ستيشن. الاصل ان انا بلعب ايها؟ ماشي مباح. لكن لما تعارض مع الطاعة - 00:59:48

هنا حصل ايها؟ حصل اختيار. فيبقي لي نصيب في الاية دي ولا لا؟ لي نصيب فيها؟ بقى كل اللي يحصل له تعارض في في امر من الامور ويفضل الدنيا على الاخرة يخاف. قال تعالى من كان يريد الحياة الدنيا وزينتها - 01:00:07

ان في زينة انت هي ما هي حلوة ما هي ما كتش حلوة كان الموضوع بقى سهل. يعني يقول لك عادي طب ما هو انا ليه مش قادر ان انا اجاهد نفسي؟ ايوة ما هو طبيعي - 01:00:27

ان انت تجاهد نفسك وتلاقي مشقة لان لو كل واحد قدر ان هو يسيب المعصية بسهولة هيبي فين اصلا فين الصعوبة؟ فين الاختبار يعني لو انت ما لكش نفس انت تبص على بنات. ولو انت ما لكش نفس انت آآ انت ايها تعمل معاصي وان انت يعني - 01:00:40

لو الحاجات دي مش حلوة فين بقى فين فين الايه؟ فين الامتحان؟ فين الاختبار؟ فين السؤال يعني لو انت مش مزين جواك ان انت تحبي ان انت تنزلي صورتك وان انت تلبسي آآ لبس آآ على الموضة وان انت - 01:01:00

الناس تشوفك جميلة ولو انت لو انت ده مش موجود جواكي وتجاهدي الشعور ده فين اصلا الامتحان؟ يا هتدخل الجنة بايه؟ يعني فين فين الاختبار؟ ما هو قال لك في بداية ايها؟ وهو الذي خلق السماوات والارض وما بينهما في ستة ايام ثم - 01:01:19

اه وكان عرشه على الماء ليبلوكم ليبلوكم. ما هو قال لك في امتحان في اختبار. طب فين بقى الاختبار ما هو لازم يبقى في حاجة صعبة انت بتمتحن فيها عشان كده في الحديث في الترمذى قال آآ قال صلى الله عليه وسلم في ابي هريرة قال لما خلق الله الجنة والنار. ارسل - 01:01:34

الى الجنة فقال انظر اليها والى ما اعددت لاهلها فيها بعد اما ربنا خلق الجنة ارسل جبريل عليه السلام ينظر الى الجنة. فجاءها ونظر اليها والى ما اعد الله لاهلها فيها - [01:01:54](#)

حسين جبريل جه بص ايه ؟ شاف الجنة وشاف ايه النعيم بتاع الجنة. فرجع قال لربنا ايه ؟ قال ما فيش حد هيسمع عنها الا وهيدخلها. استحالة يبقى انسان مجنون لو لو شاف اللي انا شفته ده وسمع عنه وما دخلهاش - [01:02:12](#)

قال آآ فرجع اليه فقال فوعزتك والله لا يسمع بها احد الا دخلها بس يسمع مش يشوفها. اللي هيسمع وصف اللي انا شفته ده مستحيل. يا جماعة ده الرجال اللي كان في في - [01:02:34](#)

الحاديis اللي هو اخر اهل الجنة دخول الجنة كان بيشف شجرة قل له يا رب استغرب الشجرة دي واروح جنبها واستظل بزلها آآ فالنبي عليه الصلاة والسلام يقول وربه يعذرنه لانه يرى ما لا صبر له عليه. هو ما شفess حاجة - [01:02:56](#)

اصلا شاف شجرة من شجر الجنة بيقول لانه يرى ما لا صبر له عليه. فهو سيدنا جبريل قال كده فربنا سبحانه وتعالى فامر بها فحفت للشهوات الشهوات بقى حاجة ايه ؟ النفس بتحبها. آآ فامر بها فحفت بالمكانة. المكاره يعني حاجة النفس - [01:03:11](#)

تكره يعني حجاب من المكاره فلازم تخترق الحجاب ده او حاجة انت شايفها من بعيد ايه اصل خنقة قوي وبعدين اللتزام ده والتدين ده حاجة كده خنقة وخفق نفسي واتحجب ومش عارف ايه وابقى مؤدب وجذاك الله خيرا يا اخي ومش عارف ايه الجو ده هو شايفه - [01:03:32](#)

ايه ؟ مش فارس. مكاره. ما ما هي دي وظيفة الشيطان. تزيين التقبیح. فلما سيدنا جبريل رجع وبص على المكاره ما بصش على الجنة بقى. بص على ايه ؟ على المكاره. فرجع قال لربنا انا لا ايه ؟ خايف - [01:03:59](#)

ان ما فيش حد هيعرف يدخلها. قال فامر بها فحفت بالمكانة. فقال ارجع اليها فانظر الى ما اعددت لاهلها فيها يعني ربنا قال له يبص ايه ؟ ربنا وجهه ان هو ينظر لايه ؟ قال له بص على النعيم برضو - [01:04:19](#)

قال فرجع الي فاذا هي قد حفت بالمكانة فسيدنا جبريل شاف ايه ؟ شاف المكاره. قال فرجع اليه فقال وعزتك وعزتك لقد خفت الا يدخلها احد هو كده انت في طريقك لربنا - [01:04:38](#)

لو بصيت على المكاره مش هتاخد خطوة يعني لو كل طاعة عايز تعملها بصيت على الحاجات الصعبة اللي فيها مش هتعملها. طب لو بصيت على النعيم قال ابن القيم يقول من تلمح حلاوة العافية هانت عليه مرارة الصبر - [01:05:00](#)

يعني تبقى ماشي كده في الجامعة وبنات حلوة وعايزه اكلم واصاحب واعيش حياتي. ها اه وكده وبتعيش وانزل صوري على الانستجرام وانا وصاحبتي وكده بقى. ونعيش بقى الجو ده بقى - [01:05:21](#)

وبعدين طول ما انت قاعد انت باصص اللي انت فيه ان هو ايه مكاره حاجة وحشة لو انت شايف ان صبرك ده هيخليلك ان انت في الجنة تنعم بالحور العين بالنعيم في - [01:05:41](#)

آآ ازواق ازواج والحور والقصور ورضا ربنا سبحانه وتعالى اللذات اللي في الجنة مش هتبقي شايف اللي انت فيه ده مكاره هتبقي فاهم ده كوييس انت بتعمله ؟ اه ده انا هغض بصرى النهاردة علشان ان شاء الله ربنا يكافئنى. ان شاء الله غض بصرى ده ربنا يكافئنى به في الجنة. عفتى دلوقتى ربنا يكافئنى بها في - [01:05:58](#)

جنة فهو ايه هو بص على النعيم. فبالنسبة له الموضوع ايه ؟ سهل طب اللي ناسي الجنة ولناس النعيم هو فعلًا اهو يعني انا انا مش عارف هو هيجالد نفسه بايه ؟ يعني ايه السلاح اللي انت هتجاهد به نفسك ؟ ايه السلاح اللي انت هتجاهدي به نفسك ؟ لو انت مش فاكرة الجنة والنار في ان انت - [01:06:19](#)

مسلا انت ما تعليش حاجة حرام وان انت تتقى ربنا وتتصلى الصلاة في وقتها وتمسكى لسانك من الحرام. وان انت لو عايزه تكلمي ولد تمски نفسك وتفضي بصرك وان انت تعفي نفسك وتحجبي حجاب صح. ايه اللي يخليلك تعمل ده - [01:06:41](#)

وبعدين قال قال تعالى امر جبريل عليه السلام قال اذهب فائزرا الى النار الطبيعي ان العاقل اللي هيشف منز النار سيدنا جبريل

يبيقول ايه؟ قال النبي صلى الله عليه وسلم فاذا هي - 01:06:56

سيدنا الفيل راح فشاف النار فاذا هي يركب بعضها بعضا. فرجع اليه فقال وعزتك لا يسمع وبها احد فيدخلها فلو مفيش حد هيسمع عن النار دي اللي انا شفتها دي مفيش حد عاقل هيدخلها فامر بها فحفت بالشهوات - 01:07:17

حفت بالشهوات. يعني النار فيه حجاب فيه ستارة حواليها. وخد بالك اللي بيقع في النار هو من برة ايه؟ هو مش شايف ان دي نار هو مش شايف ان دي نار. ابن القيم يقول كلام في معناه ان اتق مغبة الذنب فان نارها تحت الرماد - 01:07:40

يعني هو مش شايف اللي ايه اللي وراء هو شايف احنا دلوقتي مقتضيين وقت ظريف ولطيف وعادي وبنتكلم وبنشتمن وبنهزز وبنجيب في سيرة فلان وانا البس اللي انا عايزة وانزل صوري زي ما انا عايزة واكلم ولادي زي ما انا عايزة واعيش حياتي وعادي انتم مصعيين الموضوع ليه؟ هو شايف كل ده ايه؟ مستمتع بالشهوات يعني قعدت - 01:08:01

مع حد من الشباب بيقول لي انا عارف ان هو شاب من من مش مش عارف ايه بس كل المحتوى اللي بيقدمه هو بيقول لي كده بنفسه يعني احنا قاعدين مع بعض قاعدة كده طولية كده فضفض معي كده. قال لي انا عارف ان كل اللي انا بعمله ده حرام - 01:08:21

وبدأ ينتمس بقى يعني الموضوع ايه فبيقول لي بس انا انا مش يعني انا مش عارف اطلع منه ازاي؟ يعني انا انت يعني ايه قرار ان انا ان انا اتوب فانا اسيب كل ده يعني هسيب البنات اللي انا بكلمها والبنات اللي بتبعتنلي رسائل والقصص دي كلها الشغل بتاعي - 01:08:44

ده حرام هسيب الشغل بتاعي فقعد ايه اعدد الحاجات الحرام اللي هو بيعملها فقال لي هسيب كل ده هبقى بني ادم عادي فهو كل ده ايه حفت بالشهوات. حفت بالشهوات. هو مش شايف اللي وراها - 01:09:04

مش شايف اللي وراه قال فحفت بالشهوات وقال ارجع اليها فرجع اليها فقال وعزتي كذا لقد خشيت الا ينجو منها احد الا دخله امين اللي بيقول الكلام ده سيدنا جبريل. قال النبي صلى الله عليه وسلم حفت الجنة بالمكاره وحفت النار - 01:09:24  
دي الشهوات. اقرأ له الكلام النموي ونختتم به. قال العلماء هذا من بديع الكلام وفصيحه وجوابه التي اوتتها صلى الله عليه وسلم. من التمثيل الحسن ومعناه لا يوصل الجنة الا بارتكاب المكاره - 01:09:49

اي قاعدة يعني مش هتوصل للجنة غير لما تعمل حاجة نفسك بتكرهها اسباغ الوضوء على المكاره. لازم. يعني لازم تضحى بحاجة انت بتتحبها وتعمل حاجة انت بتكرهها. قال والنار بالشهوات. وكذلك هما محظوظتان بهما. فمن هتك الحجاب وصل الى المحظوظ - 01:10:07

فهتك حجاب الجنة باقتحام المكاره. فلا اقتحم العقبة. وما ادراك ما العقبة؟ فك رقبة. او اطعام في يوم دي مصومة. ماشي وهتكوا حجاب النار بارتكاب الشهوات. فاما المكاره فيدخل فيها الاجتهاد في العبادات والمواظبة عليها والصبر على مشاقها - 01:10:32  
الغيط والعفو والحلم والصدقة والاحسان الى الميسيء والصبر عن الشهوات. ونحو ذلك. واما الشهوات التي النار محفوظة بها فالظاهر انها الشهوات المحرمة. كالخمر والزنا والنظر الاجنبية والغيبة واستعمال الملاهي ونحو ذلك - 01:10:52

بيقول ايه؟ واما الشهوات المباحة فلا تدخل في هذا ولكن يكره الاكثار منها مخافة ان يجر الى المحرمة او يقسى القلب او يشغل عن الطاعات او يحوج الى الاعتناء بتحصيل الدنيا للصرف فيها ونحو - 01:11:10

لذلك الكلام ده والله يكتب بماء الذهب. ركز تاني. بيقول ايه؟ حتى المباحات الاسراف الشهوات المباحة. لما يسرف فيها الاكثار منها اعمل ايه؟ ممكن يجره للمحرم. وممكن يخلي القلب بتاعه يقسوا. يقسى القلب. يشغل عن الطاعة. يحوج شف الاخيرة دي خطيرة. بيقول - 01:11:31

تحوج الى الاعتناء بتحصيل الدنيا للصرف فيها. يعني هو عايزة حياته كلها في التحسينات. كتير من الشباب كنت لسه بتتكلم مع حد قريب هو ما شاء الله كان ايام من فترة مجتهد جدا في طلب العلم وحفظ القرآن والدعوة ومش عارف ايه. وبعددين وحط نفسه في - 01:11:51

في في وسط معين وهو عايز يعيش في في اه في شريحة مجتمعية معينة ومستوى معيشة تعين فعلshan يقدر يواكب المستوى ده من التحسينات عايز غير عربيتي وعايز اجيب كزا وعايز اشتري ساعة وعايز اشتري كزا واعمل كزا - 01:12:11

مراتي وبיתי يبقى في الحنة الفلانية فالسعدي وراء التحسينات ده خلاه ايه يسيب كتير من دينه هو هتتجي يقول له انت بتعمل حاجة؟ هيقول لك يا عم انا بشتغل وباكيل من حال ومش عارف ايه ايوة صح. بس انت السعي الزيادة ده انت في المقابل - 01:12:31

سبت القرآن وسبت طلب العلم وسبت الدعوة ما عندكش وقت اصلا. انت بتتصحي من الصبح مطحون لحد بالليل فين وقت الصلاة فين وقت القرآن وفين وقت ما بقولكش ما تشتفلش. لكن انت ما اتخليتش عشان تبقى مطحون والحياة الحديثة - 01:12:50

انت مهما دخلت في الاستهلاك مش هتخلاص يعني انا اشتربت النهاردة ايه موبايل جديد هيقدم ما هو هيجي بعده احسن منه اشتربت ساعة هينزل اللي بعدها اشتربت آآ بلاي ستيشن هينزل بلاي ستيشن فاييف. كمان آآكم شهر - 01:13:08

وهتدفع فلوسه وبعدين عايز تشتري اسطوانات ودراع باظ يشتري دراع مش هتخلاص اشتربت شنطة الشنطة بقالك فترة بتلبسها مش هيمنفع يعني اقعد انا اقعد آآ شهر البس الشنطة ما يصحش ده حتى شكلي يبقى وحش قدام آآ أصحابي فلازم اشتري شنطة جديدة. طب الشنطة جديدة - 01:13:31

هتجيبيها بايه؟ عايزه فلوس. طب الفلوس فانا لازم اشتغل واطحن نفسى ويبقى لي كبير وابقى مش عارف كزا. فدخلت ايه في في ساقية من في وسط الزحمة دي كلها - 01:13:53

عشان بقى تقف وتفهم بقى تعيس بقى مع سورة هود وتشوف بقى الصراع بين الحق والباطل والأنبياء والدعوة دعوة مين انا اصلا مش فاضي للكلام ده فعلا. يا جماعة الكلام ده خطير. يعني انا هيفضل عايش طول حياته مش فاضي يقعد ويسمع ويقول هو ربنا كان بيقول - 01:14:10

ايه هو الدين ده عايز مني ايه يعني حقيقة الدين عايز مني ايه فهو ما كانش عنده وقت وحياته كلها مشغول في ايه؟ وهتتجي يقول له يعني ده يا جماعة اخطر من من اللي بيعمل الزنوب والمعاصي. عارف ليه؟ اللي بيعمل - 01:14:30

ومعصية هتتجي يقول له انت كده هو اصلا حاسس بشئون الذنب. وهتتجي يقول له ده حرام وهتخوفه يقول لك تمام. الثاني هو مش شايف نفسه ان هو بيعمل حاجة هو مسحوب في الدنيا بيجري ورا التحسينات وبعدين ايه - 01:14:47

العمر انتهى فجأة لقى نفسه ايه ايام زمان ايام الدروس وايام حفز القرآن كانت ايام جميلة لي واحد صاحبي كده كل ما اشوفه هاجي والله هاجي لك. فبتكلمني من كم يوم كده. كان لسة من الاسبوع اللي فات - 01:15:02

بص انا جيت المنصورة مش هسيبيك معاك في الصلاة معاك في الدروس حفز القرآن بقى ومش عارف ايه قلتله طيب قافلة ان صادق بكلمه النهاردة يا انت فين انا والله مسافر - 01:15:25

طيب بقول له بقى ايه؟ بقول له انت عارف انت هتفضل كده؟ حد هيبيقى عندك ايه ستين سنة تكلمني في تليفونك؟ ايوة يا حبيبي عارفة ليه؟ هاجي لك هاجي لك - 01:15:39

ان شاء الله. هو كده. فين مسحول بقى مش فاضي يعني فانا مش معنى الكلام ما بقولش ما تشتفلش عشان بس ما حدش ايه آآ يقول عامل دروشة ما بقولكش اشتغل اشتغل - 01:15:49

بس كل حاجة تاخد وضعها الطبيعي حجمها الطبيعي طولنا عليكو النهاردة جزاكم الله خيرا ان شاء الله المرة الجاية هنكملي بازن الله من الاية اللي بعدها وبازن الله المجلس اللي جاي هيبيقى اخر مجلس قبل آآ قصص - 01:16:03

الأنبياء بازن الله سبحانه وتعالى. جزاكم الله خيرا. سبحانه الله لهم وبحمدك اشهد ان لا اله الا انت استغفرك واتوب اليك والحمد لله رب العالمين - 01:16:18